

ԱՐԴԻ ԲԱՆԱՍՏԵՂԾՈՒԹՅԱՆ ՈՒՂՂՈՒԹՅՈՒՆՆԵՐԸ ԵՎ ՀՈՍԱՆՔՆԵՐԸ

Արդի հայ բանաստեղծության ուղղությունները երկուսն են՝ դասական և մոդեռն: Այս հոդվածում մենք կանդրադառնանք հայ մոդեռն բանաստեղծության ձևավորմանը և նրա հոսանքներին: Մոդեռնի սկիզբը մեզանում դրվում է քսաներորդ դարի 60-ական թվականներին: Դարասկզբին ձևավորված մոդեռնը՝ նատուրալիզմ, ֆուտուրիզմ, սիմվոլիզմ և այլն, խորհրդային իշխանության պայմաններում ընդհատվում է 20-ական թվականների ավարտին: Այսօր մոդեռն անվանված բանաստեղծությունը, հետմոդեռնիզմի հետ խառն, գերակշռող դիրքում է: Եվրոպական գրականության մեջ հետմոդեռնիզմը սկզբնավորվել է 80-ականներին, չնայած նրա մասին խոսվում է 60-ական թվականներից:

Մոդեռն-հետմոդեռն ուղղությունների տարբերությունը տեսության մեջ կապվում է հետկառուցվածքաբանության իրողության հետ:

Ասեմք, որ մոդեռնիզմն այսօր ներկայացվում է «ստեղծարար», իսկ հետմոդեռնիզմը՝ «ապակառուցողական» հատկանիշներով, բնութագրություններ, որոնք համապատասխանաբար տրվում էին դասական և մոդեռն ուղղություններին: Մեր շատ բանաստեղծներ սկսել են մոդեռնով և անցում կատարել հետմոդեռնիզմի: Մեր խնդիրը հայ բանաստեղծության մեջ մոդեռնի պատմությունն ու տեսությունն է: Մոդեռնիզմը ձևավորվել է որպես դասական ավանդների հակառակորդ: Դ.Զատոնսկին գրում է մոդեռնիստական միհիլիզմի մասին /«Մոդեռնիզմը ամբողջությամբ հենվում է ժխտողականության վրա, տառաջիորեն շնչում է նրանով...»¹: Սակայն դեռևս խորհրդային տարիներին գրականության փոփոխության անհրաժեշտությունը գիտակցվում էր: «Կյանքը փոխվում է, - 60-ական թվականներին գրում է Մ.Գուսև, - հետևապես փոխվում է նրա կողմից գրականությանը առաջադրվող «ինֆորմացիան», կնշանակի, որ գրականությունը ևս չի կարող չփոխվել»²: Բայց սա չի նշանակում, թե մոդեռնիզմի ճանապարհը հարթ էր: Իշխող գաղափարախոսությունը պայքարում էր «ռեալիզմին» հակադրվող ամեն մի փորձի դեմ:

Ռեալիզմ-հակառեալիզմ հակադրությունը արդեն խոսում էր մոդեռնի հանդեպ ժխտողականություն հանդես բերելու մասին: Նման վերաբերմունքը շարունակվում է նաև այսօր: Մոդեռնը դիտվել և դիտվում է պարականոն,

¹ «Борьба методов и направлений в литературах современного Запада», Киев, 1986г., стр. 27.

² Մ.Գուսև «Մոդեռնիզմ» առանց դիմակի», Մոսկվա, 1960, նախաբան, էջ 4:

այնինչ այն ծնվեց որպես իշխող գաղափարախոսությունից հրաժարումի գեղարվեստական փորձ: Սողեռնիզմը հետևանք էր նաև պատմական հեռանկարի կորստի, արժեքային համակարգերի վերարժեքավորման, մաքուր արվեստի պահանջի: Էլիտարիզմ, հերմետիկ կառուցվածքներ, «լաբորատոր» ձևաստեղծագործություններ.³ սրանք սողեռնի բնութագրական հատկանիշներից են:

Սողեռնը սկզբնավորել են Ջոյսը, Կաֆկան, Վուլֆը, Ստայնը, Էլիոթը, Պրուստը, Փաունդը, Սարտրը, Քամյուն, Իոնեսկոն, Բեկետը և ուրիշներ: Սողեռնի ակունքները փիլիսոփայական նոր տեսություններ էին և ֆրոյդի հոգեվերլուծական տեսությունը: Սողեռն արվեստի և գրականության հերոսը օտարացել է աշխարհին, որն այլևս ամբողջական չէ, կյանքին ուղղված հայացքը հոռետեսական է և ողբերգական: Կյանքն ընկալվում է որպես քաոս և աբսուրդ: Սողեռնիզմը, ինչպես գրում են գրականության տեսաբանները, փշրում է դասական ռացիոնալիզմը, աշխարհի և մարդու կապի համընդգրկունությունը, ինքնավարացնում է արվեստը: Չնայած այս ամենին, սողեռնիզմին բնորոշ չեն հակամշակույթի տրամադրությունները, հավատի ամբողջական կորուստը, որոնցով բնորոշվում է հետմոդեռնիզմը: Վերջինս բացառում է մշակույթի միասնությունը, այն «մակերեսների», հարթությունների ուղղություն է: Սողեռնիզմը համարել են ձևապաշտություն: Սակայն Վ. Ժիրմունսկին նկատել է, որ «Ամեն նոր բովանդակություն անխուսափելի կերպով արվեստում հանդես է գալիս որպես ձև»: Նա ավելացնում է, որ «...արվեստում բովանդակային բոլոր փաստերը նույնպես դառնում են ձևի դրսևորումներ»:⁴ Արդի հայ պոեզիայում ձևի ասպարեզում ամենախոշոր նորարարներ են Զենրիկ Էդոյանը և Զովհաննես Գրիգորյանը: Զ. Գրիգորյանն ամբողջությամբ, Զ. Էդոյանը մասամբ օգտվում են պատումային բանաստեղծության խոսքարվեստից, որն ունի իր օրենքները: Պատումային բանաստեղծություններն ունեն առօրյա, կենցաղային տեսարաններ /դա Զ.Էդոյանի պոեզիային բնորոշ չէ, որովհետև նա գրում է փիլիսոփայական և կրոնական թեմաներով/: Զովհաննես Գրիգորյանի բանաստեղծությունը գննական է, խորհրդածությունը արտածվում է «դեպքերից» ու «փաստերից»: Զենրիկ Էդոյանը պատումայինին համադրում է քնարականը, կերտելով երկհիմք բանաստեղծություն /«Ամռան երազներ», «Ջութակներ արվարձանի համար», «Չետգրություն» ժողովածու/:

Արդի հայ բանաստեղծությունը քաղաքերգական է՝ սրանից բխող պատկերային համակարգով /Արևշատ Ավագյան, Զենրիկ Էդոյան, Զրաչյա Թամրազյան, Արտեմ Զարությունյան, Ղափի Զովհաննես, Սամվել Կոսյան, Ղուկաս Սիրունյան, Արմեն Շեկոյան, Զուսիկ Արա և ուրիշներ/:

³ «Литературный энциклопедический словарь».

⁴ «Գրականության տեսություն. պոետիկա, ռեաբանություն», Լենինգրադ, 1977թ., էջ 17:

Սողեռն պոեզիայում գլխավորը ձևերի մշակումն է, կոմպոզիցիոն և կառուցվածքային «հանգույցների» համակարգումը, ասելիքի նորովի մատուցումը: Յուրաքանչյուր բանաստեղծ փորձում է մատուցել աշխարհի իր ընկալումը: Բարդ է մարդու կոնցեպցիան Յենրիկ Էդոյանի պոեզիայում, քանզի նա դիմում է տարբեր մշակութային համադրման: Սողեռն պոեզիայում աշխարհատեսությունը փոխաբերական է: Յ.Էդոյանի պոեզիայում աշխարհատեսությունը փիլիսոփայական է, գոյաբանական:

Սողեռն պոեզիայի պոետիկան ամբողջությամբ նոր է, թարմ են բառապաշարը, կառուցվածքը, տաղաչափությունը, ռիթմը:

Արդի հայ պոեզիան բավականաչափ ուսումնասիրվել է /Ս.Սարինյան, Ժ.Քալանթարյան, Ս.Մուրադյան, Ա.Թովչյան, Դ.Գասպարյան, Ս.Գրիգորյան, Ս.Աբրահամյան և ուրիշներ/: Սակայն մենք ըստ զրական ուղղությունների և հոսանքների ներկայացման առաջին փորձն ենք անում: Կարելի է ասել, որ ներկայումս բանաստեղծական հոսանքների բաժանման հիմքեր կան, որոնք մենք համարում ենք պատկերավորման տարբեր համակարգերը: Մեկ հոսանքին պատկանելը չի նշանակում սահմանափակություն: Բանաստեղծությունը մնում է լիարժեք, համընդգրկուն, ինչպես, ասենք, Յովհաննես Գրիգորյանին է, սակայն պատկերահամակարգի առանձնահատկությունը մնում է գլխավորը: Մեր կողմից մողեռն բանաստեղծական հոսանքների բաժանումն այսպիսին է. 1. Գեղագիտական, 2. Փիլիսոփայական, 3. Հոգևոր, 4. Հարասական, 5. Հումորի և պարոդիայի, 6. Քաղաքացիական, 7. Միֆի:

Այժմ տանք նշված հոսանքների համառոտ բնութագիրը: Գեղագիտական հոսանքը զուտ բովանդակությամբ դասական բանաստեղծությունից չէր առանձնանա, եթե չլիներ մողեռնին բնորոշ պոետիկական համակարգի տեղաշարժը: Բանաստեղծությունը «կուտակում» է մաքուր պատկերներ: Պատկերն անցնում է պատկերի մեջ /նոր իմաժիզմ/: Յ.Էդոյանը «Լեթարգիական քուն» բանաստեղծության մեջ /«Հետզրույթուն» ժողովածու/ «պատկերը՝ պատկերի մեջ»-ը ձևակերպում է այսպես՝ «խոսքի մեջ՝ խոսք»: Պատկերային կուտակումները բնորոշ են բոլոր հոսանքներին: Գեղագիտական հոսանքի միակ առանձնահատկությունը սևեռումն է դեպի գեղեցիկը, որի ընկալումը սուբյեկտիվ է, իշխում է տպավորապաշտական կապը, փոխաբերությունը համատարած է, մեկ իրը անվանվում է մյուսի անունով: Պատկերները երևակայական են, այլևս իրարից խզված են, առարկաներին փոխարինում են նրանց միջև եղած կապերը, գեղարվեստական տեղն ու ժամանակը պայմանական են, ինչպես ընդհանուր մողեռնում: Գեղագիտական հոսանքի լավագույն ներկայացուցիչներից է Արևշատ Ավագյանը: Մյուս հոսանքների ներկայացուցիչները սկզբում հարել են այս հոսանքին /Յենրիկ Էդոյան, Աշոտ Ավդալյան, Հակոբ Սովսես, Էդուարդ Միլիտոնյան, Ղուկաս Միրունյան և ուրիշներ/:

Փիլիսոփայական հոսանքի բանաստեղծության պատկերը գոյի նշանակիր է: Բոլոր բառերը միավորվում են նշանների և սիմվոլների հետ, ծուլվում իմաստային դաշտին: Բանաստեղծությունն ունենում է նախադիր փիլիսոփայական ուղղորդում, որը զարգանում է տեքստում և մղում առանձնահատուկ կառուցվածքի: Փիլիսոփայական հոսանքում առանձնանում է Զ.Էդոյանի պոեզիան: Նկատի ունենք տարբեր մշակույթների լեզվասիմվոլիկ համադրությունները: Նույն այդ բանաստեղծությունը բազմակենտրոն է /տարբեր փիլիսոփայությունների բառ-բանալիների խմբերով/:

Գոյաբանական բանաստեղծության յուրաքանչյուր պատկեր աշխարհի մոդելավորման մեկ առանձին միավոր է: Պատկերը հավակնում է իրենով ամբողջը ներկայացնել /մասնիկի և միավորի կապ/: Պատկերաշարքը տարածության ու ժամանակի մոդելավորման գեղարվեստական համակարգն է: Մոդեռնիզմը հավակնում է մշակույթի «համապարփակության», «իրականության տիրապետմանը»: Արդի արձակում և պոեզիայում տարածում է ստացել էկզիստենցիալ գոյաբանությունը:

Պոեզիայի վրա, զանազան միջնորդավորումներով, ազդեցություն ունեն գրական տարբեր փիլիսոփայական բնույթի դպրոցներ, ասենք, «նոր վեպ», «աբսուրդի թատրոն», «աբսուրդի դրամա»: «Աբսուրդի դրաման» առնչություն ունի Զենրիկ Էդոյանի վերջին տարիների բանաստեղծական ժողովածուների հետ: «Յետգրություն» ժողովածուի «Տաճարի կառուցումը» բանաստեղծությունը քրիստոնեական միֆի փիլիսոփայական բանաստեղծացումն է: Էդոյանը խորն է տիրապետում քրիստոնեական սիմվոլիկային: Դիոնիսիոս Արեոպագացու միստիկ տեսության հիմնական հանգույցներից մեկը Տան /տնտեսություն/ կառուցումն է: Թեման օգտագործել է Գրիգոր Նարեկացին: Էդոյանը տաճարի կառուցումը հագեցնում է մարդու գոյաբանական հարցադրումներով ու լուծումներով:

-Կառուցել տաճարը, քարը դնել քարին,
Բառը ծուլել բառին,
լուսավորել ամենամութ խորշերը գոյության,
մաքրել ճանապարհը միակ ճշգրիտ
ճարտարապետի,
որի կարկինը իր կյանքն ու մահն է,
և իր ծեռքով գծված հատակագիծը
իր հարությունն է... /«Տաճարի կառուցումը»/

Զ.Էդոյանը ընտրում է քրիստոնեական փիլիսոփայության բանաձևերը, դրանք համադրում էկզիստենցիալ գոյաբանությանը: Սակայն, ի տարբերություն էկզիստենցիալիզմի, նա փիլիսոփայական պեսիմիզմից, վախճանաբանական բանաձևերից հետո դարձ է կատարում «սրբազան» պատմությանը, ցանկանում է «հոր պես» իրեն պահել ուղիղ և կրել իր մեջ խոսքը, «որ սկիզբն է» /«Յինգ խոսք»/:

Հոգևոր բանաստեղծական հոսանքը շարունակում է քրիստոնեական գրականության, միջնադարյան հոգևոր բանաստեղծության ավանդները՝ մերժամանակյա գեղագիտական ու պոետիկական զարգացումների հետ գիրկընդխառն: Թ.Էլիոթը Է.Փաունդի մասին ասում է, որ նա լիովին ժամանակակից բանաստեղծ է, երբ գրում է միջնադարի մասին: Հոսանքը հետևում է ոչ միայն հայկական, այլև եվրոպական միջնադարի գրական ավանդներին, ստեղծում է արդիական պատկերահամակարգ՝ հոգևորի աղետներով:

Հակոբ Մովսեսի պոեզիայում «բանաստեղծության ժամանակը դառնալով միակը՝ հնարավոր է դարձնում ծիսականի «հավաքչությունը», վերականգնվում են քրիստոնեական նախնական համայնքի հարաբերություններ...»: Աստվածաշնչական և նարեկացիական բառախմբերը բանաստեղծի համար «ենթագետիկ կենտրոններ» են: ... Հնագույն սակրալ խմաստի բառերն իրենց երբեմնի ամբողջական շղթայի մեջ են ներքաշում արդիական կառուցվածքի ռեալությունը: Ընդհանրապես ողջ ժամանակը իր արդիականով և արդիականությամբ դառնում է ծիսական⁵:

Հ.Էդոյանի պոեզիայում համադրված են փիլիսոփայականն ու հոգևորը՝ մոդեռնիստական համակարգումով: Բանաստեղծը հաճախ գոյաբանական խնդիրները փոխադրում է քրիստոնեական փիլիսոփայության դաշտ: Իրար են առնչակցվում «այս աշխարհն ու գաղափարների երկինքը» /ս.Ավգուստինոս/: Պատկերը, խոսքը, ճշմարտությունը Էդոյանի պոեզիայում երևակվում են կրոնական չափումներով: Բանաստեղծը միստիկ դիրքում է. խոսում է Աստծո նշաններից, կարգը սպասում է աստվածային հավերժությունից⁶: Նա Աստծո թեմային անդրադառնում է Երրորդության երեք դրսևորումներով:

Հակոբ Մովսեսը դիմում է Հյուլեռլինի և Թրակլի ավանդներին:

Հրաչյա Թամրազյանի պոեզիան մոտ է միստերիայի ժանրին, որի կենտրոնում մարդու միստերիան է, նրա կյանքի գոյաբանական դրաման՝ Աստծո դրամայի սիմետրիայով: Գրականության և հոգևոր փիլիսոփայության կապը գնալով սերտանում է:

Հարասական բանաստեղծական հոսանքի լավագույն դրսևորումը Հրաչյա Թամրազյանի պոեզիան է: Այն նեոսիմվոլիզմի և սյուրռեալիզմի պոետիկական հատկանիշների համադրություն է, որը, ի վերջո, անվանվում է հարասություն: «Գիտակցության հոսքը» «Литературный энциклопедический словарь»-ում անվանված է ուղղություն: Հարասությունը «գիտակցության հոսքի» խոսքային դրսևորումն է: Գիտակցությունը հարընթացումի մեջ է, ինչը հատուկ է հետմոդեռնիզմին, երբ խոսքի արժեքը դիտվում է խոսքը:

⁵ Ն.Ղազարյան «Կեցության խոսքը. կառուցվածք և բառուլորտ», «Էքմիածին», 2008թ., ԺԱ, էջ 111

⁶ Այս մասին տես՝ «Էքմիածին», 2008թ., ԺԲ, Ն.Ղազարյան «Ճշմարտության կարգի մեջ»:

Բանաստեղծը տրված է խոսքի ընթացքին և ստեղծում է տարբերակներ: Չրաչյա Թամրազյանի խոսքը հանգում է սինվոլների հարասությանը: Նրա բանաստեղծությունը, միֆական շերտին զուգահեռ, սեփական կյանքի հարասություն է: Եվ քանի որ հետկառուցվածքաբանության մեջ խոսքը և գիտակցությունը նույնական են, ապա մոդեռնիզմից հետմոդեռնիզմին անցնող հոսանքը ամենից զգալուն է արծազանքում կյանքին, որպես գիտակցությանը նույնաթիվք պատկերավոր լեզվամտածողական համակարգ:

Յումորի և պարոդիայի հայ բանաստեղծության հոսանքը ձևավորվել է մոդեռնի հետ մեկտեղ: Ամերիկյան արծակում գործում է «սև հումորի» դպրոցը, որը հենվում է, ըստ տեսաբանների, գրոտեսկի ավանդույթների վրա: Ա.Զվերևը «սև հումորին» տալիս է թե ուղղություն և թե դպրոց անունը: «Աև հումորին» բնորոշ են համարում «միջանցիկ գրոտեսկը», պարոդիայի լայն օգտագործումը, հակումը պարադոքսալ իրադրության, «փրկչական կոմիզմը», հակա-ուտոպիան և այլն: Յովհաննես Գրիգորյանը վաղ է սկսել բանաստեղծության իր տեսակի ձևավորումը: «Աև հումորի» հետ նրա առնչություններն ընդամենը տիպաբանական են: Առավել ուղղակի են աղետները եվրոպական ու ամերիկյան երգիծանքի և պարոդիայի բանաստեղծության հետ: Սակայն Գրիգորյանի պոեզիան քաղմաստիճան պարոդայության և ազգային երգիծանքի խոսքարվեստի հաշվին ձեռք է բերել բացառիկ ինքնատիպություն: Նրա պոեզիայում հումորը գեղագիտականացված է: Պատումին բնորոշ է հատվածայնությունը, կրկնվում են մոտիվները: Գործողության ընդհանուր տեղը /τόπος/ պայմանական է, կամերային /փողոց, թաղ, տուն, սենյակ և այլն/:

Բանաստեղծությունը հագեցնում է փաստագրությամբ /«Գեղարվեստական միջոցառում կանանց գաղութում», «Դիանա արքայադստեր, թե՞ իշխանուհու թաղումը», «Չայ ժողովրդի պատմության համառոտ ձեռնարկ», «Այս գիշեր և վաղը ցերեկը» և այլն/: Պարոդիան մեկ ռեալությունը հանգեցնում է մեկ այլ ռեալության: Գրիգորյանի պոեզիան պարունակում է նաև այլ ժանրային հատկանիշներ: Միֆի բանաստեղծական հոսանքում առանձնանում է եղուարդ Միլիտոնյանի ստեղծագործությունը, որտեղ առկա են ազգային միֆի փոխակերպումները: Զննադատությունն առանձնացնում է «անտիպոեզիա», որը ճիշտ չէ, քանի որ նշված բոլոր հոսանքները «անտի»պոեզիա են: